

朝鮮歷代史略
三

リ 6
4061
3



伊
4061
3-3

朝鮮歷代史略卷之三

本朝紀



太祖大王

姓李氏諱且字君晉初諱成桂

系出全州新羅司空諱翰

之後司空夫人金氏即新羅太宗十世孫軍尹殷

義之女也 上以元順帝至元元年乙亥誕降于

永興私邸仕高麗守門下侍中時辛氏亂統麗政

大壞崔瑩倡犯順之議 上誅瑩衆心咸屬焉及

恭讓廢裴克廉等共推戴 上遂即位于松京初

上之龍潛也夢有神人執金尺自天降而授之曰

公宜持此正國又有異人獻書云得之智異山巖

石中有木子更正三韓之語使人出迎則已去矣

又舊藏書雲觀秘記有九變震檀之圖建木得子

朝鮮即震檀之說至是乃驗○在位七年在上王位十年

壽七十四

元年明太祖洪武十五年遣趙胖如明告即位也○定國號曰朝

鮮初明帝命來報國號 上以朝鮮和寧等號奏之

明帝曰朝鮮之稱美且其來遠矣可以本其名而祖

之○追尊四代為王尊 皇高祖諱安社為穆王配

李氏為孝妃 皇曾祖諱行里為翼王配崔氏為貞

妃 皇祖諱椿為度王配朴氏為敬妃 皇考諱子

春為桓王配崔氏為懿妃○追冊韓氏為妃即懿王后神

安川府院君卿之女高麗恭讓王三年○冊康氏為

妃即神德王后象山○策錄開國功臣益安大君

芳毅等三十九人○立高麗八王廟于麻田郡 上

愍王氏不祀命有司以太祖惠宗成宗顯宗文宗元

宗忠愍恭愍八王立廟祀之世宗朝有司建言宗廟

乃祭八位未合於禮只祀太祖顯宗文宗元宗以有

功德於民也○世傳麗太祖微時常遊麻田仰巖寺

及即位以其寺為願刹國下後影幘尚存故立廟於此云

三年漢陽宮闕成景福宮在面岳南至宣廟壬辰

昌慶兩宮次第營建皆別宮也昌德在北部廣化坊

昌慶在昌德之東昌慶則成宗癸卯改建光海丙

月洋壬戌代各卷之三二

大朝鮮開國王 元年甲申

甲戌 後甲申

辰又 遂移都○建宗廟○恭讓君王瑤卒王瑤○奏

明朝請下宗系之誣先是罪人尹彝李初叛入中國

誣國系為高麗逆臣李仁任之後中國使臣賁祭海

岳祝文來祝文中有李仁任之嗣某等語故具奏下

誣○遣靖安君即太宗如明初明帝以本國遣人賁

金帛至遼東誘邊將又說女真潛渡鴨綠江下詔責

之 上使鄭道傳撰表辨明明帝以表辭倨傲益怒

命遼東母納朝鮮使已而諭送親男於是 太宗大

王奉表如明路過燕府明太宗時為燕王親見之禮

待甚厚 太宗大王至明敷奏詳明帝優禮遣還命

通朝聘

紹後丙
五年子

發諸道民丁二十萬築石為都城城高四十八

坊城六千八百十○八月 王妃康氏昇遐葬貞陵初葬

已丑遷奉于揚州

紹後丁
六年丑

命青海君李之蘭招安女真之蘭初名豆蘭本

姓佟女真人也嘗從 上征伐屢立大功賜姓李氏

封青海若至是 上使之招安女真女真革面歸化

與國人相婚姻服役納賦同於編戶○琉球國王遣

使稱臣琉球國在我國西南海島中於海邦最有禮

義與圖物力不及朝鮮而風土人文庶幾近

之○暹羅國遣使獻方物暹羅國亦在○作虎符有

魏後戊
七年寅

內外動兵 ○建成均館

三年

是歲明太祖崩
建文帝即位

冊永安君為世子先是 神德

王妃欲立己子芳願為世子未遂鄭道傳南閭等依

附芳願因 上不豫假托移御召諸王子入來謀害

之際左叅贊李茂密告于靖安君與閔無咎等殲除

道傳及閔芳願被竄至中途為李叔蕃所害故即日

有是命 ○上禪位于世子 ○策錄定社功臣義安大

君和等十七人 ○冊金氏為妃 即定安王后判禮

定宗大王 諱暉字光遠初諱芳果 太祖大王第二

子初封永安君 肅宗大王七年辛酉追

上廟 在位二年 在上王位 壽六十三

魏後己
八年卯

元年

明惠帝建
文元年 還都松京

二年 朴苞謀作亂伏誅苞附懷安君芳幹謀害 太

宗大王遂舉兵義安大君詣 太宗大王邸告變

太宗大王啓于 上勒軍與戰芳幹兵敗遂誅苞安

置芳幹 ○冊弟靖安君為世弟 上謂閔國定社咸

靖安君之績乃有是命 ○召高麗注書吉再至尋乞

歸許之再號冶隱 太宗大王在潛邸時與再有舊

至是召再至京啓于 上授奉常博士再上疏曰臣

聞女無二夫臣無二君乞放歸田里以遂不事二姓

之志 上嘉其節義優禮以遣復其家 ○上禪位于

魏後庚
九年辰

世弟○冊閔氏為妃即元敬王妃驪○策錄佐命

功臣李侁等三十八人以平杜

太宗大王諱芳遠字遺德太祖大在位十八年上

王位壽五十六

元年明惠帝建褒贈鄭夢周領議政金若恒贊成權

近上書曰前朝侍中鄭夢周專心所事以至殞命金

若恒當明朝責我之日受命入朝被榜掠終不屈並

宜褒贈上從之○徵元天錫不至天錫號耘谷隱

居雉岳山下躬耕養親上徵時嘗受學至是召之

不起上親幸其第亦不得見只招其爨婢給食物

而還

元年是歲燕兵入明京建命設申聞鼓使有寃者擊

鼓登聞以通下情

二年明帝遣使賜誥命○命置鑄字所上慮本國

書籍鮮少不能博觀出內府銅為字印之

三年復都漢陽

四年遣世子如明

五年太上王太祖大王昇遐謚曰康獻葬健元陵

六年悉罷外戚封君上曰外戚封君非古法也命

悉罷之因闕無咎獄

紀元後乙十四年酉
紀元後丁十六年亥
紀元後戊十七年子
紀元後己十八年丑

紀元後癸十二年未

紀元後壬十一年午

紀元後庚十九年寅

十年 罷戶布麗未有戶布之征至是 上曰戶布雖為軍需無故取民非法也遂罷之

紀元後辛二十年卯

十一年 罷諸神祠及祝壽齋先是高麗於德積白岳松岳木覓等處春秋令巫女張女樂祀之謂之祈恩至是命罷之又舊例每歲設祝壽齋 上曰修短有數何用祈禱亦罷之

紀元後壬二十一年辰

十二年 六月 上王妃金氏定宗王妃昇遐葬厚陵 臺諫請鞠高麗掌令徐甄不從初甄居衿川有詩曰千載神都隔渺茫忠良濟濟佐明王統三為一功安在却恨前朝業不長臺諫請治之 上曰高麗之臣不

北面我家者亦伯夷之流也何可罪之

紀元後癸二十二年巳

十三年 命王氏後裔在民間者從便居住時有告王氏之裔隱於民間者有司請誅之 上曰 太祖開國之初高麗宗姓不得保存非 太祖之本意一二大臣之策也予欲保存其遺裔今後王氏之裔或自現或為人所告者并聽從便居住以安其生

十五年 令庶孽子孫勿叙顯職因右代言徐選言也

十七年 悉焚讖緯諸書 上曰以漢光武之明猶惑

圖讖宗社長短豈係於此命燒書雲觀所藏讖緯書

十八年 廢世子禋以禋敗德廢為讓寧大君○册忠

紀元後乙十四年未

紀元後丁十六年酉

紀元後戊十七年戌

寧大君為世子○上禪位于世子○冊沈氏為妃即

憲王后青川府院君温之女○始開經筵

世宗大王諱稱字元正太宗大王在位三十二年

壽五十四

元年明太宗永樂十七年立箕子碑于祠下權弘上書言箕子

大有功於東方宜有碑紀顯揚其德乃命下季良撰

文以立○出年壯宮人歸家時父早有是命○對馬

島倭犯邊遣李從茂征之○九月上王定宗大王昇遐

謚曰恭靖葬厚陵與王妃同陵○罷五教只留禪教兩宗盡革

中外寺社奴婢土田歸于官

紀元後三已十八年亥

紀元後三庚十九年子

二年始置集賢殿選文學之士成三間申叔舟等以

備顧問得人於斯為盛○七月太上王妃閔氏太宗

王妃昇遐葬獻陵在廣州**三年**修築都城頽圯 太上王曰吾當其勞

以逸遺主上可乎命簽發諸道丁夫三十餘萬築之

○命世子入學 上曰八歲入學古制也今世子年

八歲宜擇日入學世子至成均館以儒服入行束脩

禮遂為定制

四年五月 太上王太宗大王昇遐謚曰恭定葬獻陵與王妃同陵

六年是歲明太宗崩仁宗即位

紀元後三壬十一年寅
紀元後三甲十三年辰

起後三乙
十四年巳

七年

是歲明仁宗崩宣宗即位

起後三丙
十五年午

八年

始令百官輪對

起後三己
十八年酉

十一年

頒農事集說于中外 上以五方風土不同

樹藝各有其宜命諸道訪老農已驗之術以聞命鄭招撰之○建宗學選有文行者為博士以教宗親自是宗室咸遵禮則

起後三庚
十九年戌

十二年

除笞背法 上以凡人五臟之系皆近於背

命除笞背之法○命纂五禮儀 上命許稠等詳定禮儀採洪武舊制及東國儀禮參酌損益裁自聖心

起後四癸
十二年丑

十五年

始正雅樂時八音未備適有柷黍生於海州

磬石產於南陽 上命取柷黍積其分寸依古制作

磬聲音以諧雅樂始備用於朝祭制作度數悉經睿裁○設養老宴男則 上親臨饗之女則 王妃親

饗之○婆猪江野人李滿住等犯邊遣崔潤德討平之○移慶源寧北兩鎮 上召黃喜孟思誠等議移

兩鎮教曰 太祖重興王之地始置慶源府于孔州太宗移府治于蘇多老嘗有命若胡人來居便斥逐

勿使為賊窟今蘇多老孔州為胡騎遊獵之場且幹木河直豆滿江之南正當要衝合設巨鎮遂復還慶

源府于蘇多老移寧北鎮于幹木河

紀元後四甲
十三年 寅

十六年 頒三綱行實于中外命儒臣編輯古今忠臣孝子烈女之卓然可法者隨事記載並著詩贊附以圖形使愚夫愚婦曉然知之

紀元後四乙
十四年 卯

十七年 是歲明宣宗崩英宗即位 命賜爵高年九十以上者

紀元後四丁
十六年 巳

十九年 遣金宗瑞盡復北疆設六鎮咸吉道沿江州郡本我國舊疆久為野人所據至是盡復之○行貢法分地六等分年九等以上下其稅

紀元後四戊
十七年 午

二十年 造簡儀臺建欽敬閣置簡儀渾儀定時圭表禁漏等器極其精巧其制度規模皆出睿裁又建小閣糊紙為山內設玉漏機輪以水激之作鼓人鍾人

司晨玉女凡百機關不由人力自擊自行若神使然天日之度晷漏之刻不差毫釐

紀元後五乙
十四年 丑

二十七年 治平要覽成 上命鄭麟趾始自姬周以及吾東治亂興亡可法可戒者纂成之○命撰龍飛御天歌 上以祖宗積累之深締造之艱後王不可不知命權躋等纂 穆祖以後肇基之跡名曰龍飛

御天歌以為朝祭宴享之樂辭

紀元後五丙
十五年 寅

二十八年 三月 王妃沈氏昇遐 葬英陵○初葬廣州 御製訓民正音即諺文也 上以外國

皆有國音之文以記其國之語而獨我國無之遂倣

篆籀製二十八子母演作諸字設局禁中使鄭麟趾成三問申叔舟等撰定之時明朝學士黃鑽以罪謫遼東命三問等往見鑽質問凡往返十三度

經後五已十八年巳

三十一年

是歲明英宗陷虜中代宗即位

經後五庚十九年午

三十二年

二月

上昇遐謚曰莊憲

葬英陵。初葬廣州睿宗大

王巳丑遷奉于驪州與王妃同陵

○世子即位○追冊權氏為妃顯

德王妃花山府院君專之女世宗大王二十二年辛酉昇遐葬安山至是封陵號昭陵

文宗大王

諱珣字輝之宗大王第一子

在位二年壽三十九

經後辛六十年未

元年

明代宗景泰二年

稱高麗王廟曰崇義殿得高麗顯宗

遠孫王循禮賜爵俾奉其祀擇麗朝名臣配享于廟

○親製陣法有分數形名結陣獨陣合陣連陣軍令章標大閱儀九篇以教士卒○置五衛每衛各有五部每部各有四統衛有衛將部有部將統有統將其下又有統師隊正伍長大以統小小以承大條理備具○禁度僧

經後壬五十二年申

二年

五月 上昇遐謚曰恭順

葬顯陵世子即位

端宗大王

諱弘暉為君

文宗大王二十二年戊寅追復王

位在位三年

在上王壽十七

經後六癸十二年酉

元年

明代宗景泰四年

皇甫仁金宗瑞等被誅

世廟在邸

時使鄭麟趾等誅之○冊錄靖難功臣鄭麟趾等三

十六人

總元後六甲
十三年 戊

冊宋氏為妃即定順王妃 孺良

總元後六乙
十四年 亥

閏六月 上禪位于首陽大君 ○尊 土為

太上王 ○冊尹氏為妃即貞熹王妃 坡

世祖大王諱 琛 字粹之 世宗大王第二子 在位十

三年 壽五十二

總元後六丙
十五年 子

元年明代宗 景泰七年 成三問等被誅 三問與朴彭年河綿

地柳誠源李塏俞應孚等謀復 上王事覺而死

冊錄佐翼功臣桂陽

君增等四十一人成三問等論 死後冊是勳

總元後六丁
十六年 丑

二年是歲明英宗復位 安置錦城大君瑜于順興府瑜即

世宗大王第六子瑜到順興府使李甫欽與瑜合謀

欲迎復 上王移檄南中郡縣將興兵事覺論死南

中士人死於錦城之獄者甚多 ○世子卒謚曰懿敬

○冊海陽大君為世子 ○上王遜于寧越降封魯山

君 ○十月魯山君卒葬寧越國人 稱魯陵 肅宗大

○命申叔舟等纂國朝寶鑑

總元後六庚
十九年 辰

四年 遣申叔舟征婆猪江野人

總元後六辛
二十年 巳

六年 移咨明京請頒洪武正韻明帝許之

總元後七壬
十一年 午

七年 量田

紀元後七甲
十三年申

九年

是歲州英宗崩憲宗即位創圓覺寺于都城中○召金時習

不至時習字悅卿號梅月堂三歲能綴文人稱神童

至五歲 世宗大王召致政院試之以詩大奇之賜

帛還家及 端宗大王遜位佯狂被緇變名雪岑放

浪山水間至是 上傳旨召之而時習不應命後被

屢召而至旋即逃去

十二年

吉州人李施愛叛命曹錫文等討平之策錄

敵愾功臣曹錫文等四十一人○遣魚有沼南怡等

擊斬建州賊李滿住明帝勅我國協討建賊有沼等

領兵直抵建州擒斬滿住及其子古納哈等焚蕩屯

紀元後七丁
十六年亥

紀元後七戊
十七年子

落有沼乃斫樹白而書之曰朝鮮大將滅建州而還
明兵後到見之具由以奏

十三年

九月 上昇遐謚曰惠莊葬光陵在楊州○世子即

位○追冊韓氏為妃即章順王妃上黨府院君明

昇遐葬坡州至是封陵號恭陵○冊韓氏為繼妃即川府院君伯倫之

女○柳子光誣殺南怡怡驍勇討李施愛征建州衛

皆有功子光忌怡才能論以謀叛殺之○策錄翊戴

功臣申叔舟等三十八人南怡論死後冊是勲

德宗大王

諱暉字原明初諱崇世祖大王第一子

追崇封敬陵在高陽

睿宗大王 諱昞字明照初字平甫 世祖在位一年

壽二十

紀元後七巳
十八年 丑

元年

明憲宗成化五年

十一月

上昇遐謚曰襄悼

葬昌陵在高陽

○者山君奉 王大妃 貞熹王妃 命即位 ○冊韓氏為妃

即恭惠王妃上黨府院君明澮之女

成宗大王 諱璉 德宗大王第二子初封者 在位二

十五年 壽三十八

紀元後七庚
十九年 寅

元年

明憲宗成化六年

置弘文館收集賢淑為弘文館選金

宗直等為學士更日直宿侍講經史

元年

策錄佐理功臣申叔舟等七十五人

以治平輔佐功也

紀元後辛
八十年 卯

○經國大典成 自撰至是乃成 ○追崇 皇考 懿敬世子

為 德宗大王 謚曰懷簡尊皇妃韓氏 德宗王妃 為 王

大妃 即昭惠王妃左議政西原府院君確之女

四月 王妃韓氏昇遐 葬順陵在坡州

冊尹氏為繼妣 判奉常寺事起訃之女 ○建尊

經閣于成均館賜經籍藏于是

九年 命盧思慎等撰東國輿地勝覽

十年 遣尹弼商討建州衛克之明帝勅討建賊朝廷

遣弼商往征弼商直擣賊穴俘斬無算并獲被虜遼

東人口而還仍遣使獻俘于明

紀元後八戊
十七年 戌

元年

遣弼商往征弼商直擣賊穴俘斬無算并獲被虜遼

紀元後八乙
十四年 未

元年

四月 王妃韓氏昇遐

元年

冊尹氏為繼妣

經閣于成均館賜經籍藏于是

九年 命盧思慎等撰東國輿地勝覽

十年 遣尹弼商討建州衛克之明帝勅討建賊朝廷

遣弼商往征弼商直擣賊穴俘斬無算并獲被虜遼

東人口而還仍遣使獻俘于明

紀元後八庚
十九年子
紀元後九癸
十二年卯
紀元後九甲
十三年辰

十四年

冊尹氏為繼妃即貞顯王妃

十五年

三月 大王大妃尹氏世祖王妃昇遐附葬光陵

十六年

抄富民徙西北兩界○賜太學田四百結鄉

亦賜田有差

紀元後十乙
十四年巳

東國通鑑

十八年

是歲明憲宗崩孝宗即位

二十二年

野人寇咸鏡道遣許琮討破之

二十三年

前刑曹判書金宗真卒宗直字季昱號佔

俾齋善山人文章學行為世所推 世祖朝登第就

紀元後十一
百一年子

仕及 上即位累擢至判書尋謝病歸鄉卒年六十

二

二十四年 頒大典續錄

紀元後十二
百二年丑

二十五年

十二月 上昇遐謚曰康靖葬宣陵在廣州○世

子即位○冊慎氏為妃領議政承善之女

廢王燕山君名懜成宗大王長子 在位十一年

元年

明孝宗弘治八年

四年

追罪故判書金宗直剖其棺殺獻納金駟孫杖

流前佐郎金宏弼等初駟孫修史錄宗直弔義帝文

李克墩修史見其文言于柳子光子光素啣宗直謂

紀元後十三
百三年寅

其文譏斥 光廟遂起史獄燕山追罪宗直剖棺斬

屍駟孫宏弼等俱以宗直門徒被禍一時名賢誅竄

殆盡○十二月 大王大妃韓氏睿宗王妃昇遐附葬昌陵

八年前翰林鄭希良逃希良號虛菴戊午之禍以翰

林謫義州放還嘗善推數一日謂人曰甲子之禍必

甚於戊午遂逃去莫知所終

十年追崇廢妃尹氏 成廟朝妃以罪廢死燕山深

憾之至是殺先朝舊臣殆盡至有碎骨舂磨之刑乃

追崇尹氏權達手李荇杖流○四月 大王大妃韓

氏德宗王妃昇遐附葬敬陵○前安陰縣監鄭汝昌卒汝昌字

紀元後一壬
百一十年戊

紀元後一甲
百一十年子

伯勗號一蠹河東人金宗直門人也 成宗朝舉學

行授職不就後登第就仕戊午史禍作坐謫鍾城至

是卒年五十五中廟朝贈右議政謚文獻○殺金宏弼宏弼字大

猷號寒暄堂瑞興人金宗直門人也 成宗朝舉學

行授職及戊午史禍作杖流順天至是加罪戊午黨

人遂被刑年五十一宣廟朝贈領議政謚文敬○追罪南孝溫

世祖朝廢昭陵卽 文宗王妃陵也 成宗朝孝溫

上疏請復之不聽至是追論孝溫請復昭陵之罪剖

棺斬屍孝溫號秋江○置運平樂工命諸道各邑皆

設倡妓號運平樂工擇運平三百人入內日事淫戲

紀後一乙
百十四年丑

○築內都城因撤去城

十一年

是歲明孝宗即位

築瑞蔥臺于後苑 成宗時後

苑生蔥一榦九枝謂之瑞蔥燕山築臺于此又築蕩春臺行禧往來流連作石槽與宮女為戲逐諸生空太學聚巫覡設淫祀於其中又空棄畿內數郡民田以為游獵之場

中宗大王

諱懌字樂天 成宗大王第二子初封晉城大君

在位三十九年

壽五十七

紀後一丙
百十五年寅

元年

明武宗正德元年

王大妃

貞顯王妃

命廢王封燕山君放

于喬桐冊晉城大君嗣位時燕山大肆殺戮淫虐日

甚 宗社將危朴元宗柳順汀成希顏等啓 王大

妃廢之○冊慎氏為妃

即守勤之端敬王后益昌府院君

誅於反正時奏廢之

○策錄靖國功臣朴元宗等一百七人○

命宥還燕山時被竄人申用旣等追贈金宏弼等爵

○命削柳子光職黜外子光柳規之妾子也為燕山

嬖臣大起史獄多殺忠賢至是命黜外尋歿○燕山

君卒

二年

冊尹氏為妃

即章敬王妃坡原府院君汝弼之女

○策錄定難

功臣盧永孫等二十一人

李願等謀逆盧永孫上變告及願伏誅錄永孫等後

因臺啓削去二十人只錄水孫

紀後一丁
百十六年卯

五年 三浦倭陷熊川遣柳聃年等討破之

七年 命撤圓覺寺以其材分賜燕山時撤家人

八年 追復昭陵移附于顯陵

十年 三月 王妃尹氏昇遐葬禧陵○初葬廣州

西遷奉于高陽

十二年 冊尹氏為繼妃即文定王妃坡山府院君之任之女

十四年 南袞等誣大司憲趙光祖罪論死光祖字孝

直號靜菴漢陽人金宏弼門人也登第就仕擢至大司憲與一時善類金淨金湜奇遵等將欲挽回世道見忤羣小至是請削靖國勲之濫錄者勲貴又嫉之

遂為袞等所誣事將叵測賴相臣鄭光弼力救減死

竄配于綾州尋賜死年三十八宣祖朝贈領議政謚文正

十六年 是歲明武宗崩世宗即位六月魯山君夫人宋氏卒世祖朝降封為夫人至是卒葬楊州肅宗大王二十四年戊寅追復位號因封陵號思陵

十八年 江原道量田

二十五年 八月 王大妃尹氏成宗王妃昇遐附葬宣陵

三十二年 賜金安老安老聯婚王室貪婪專恣屢

興大獄多殺無辜至是命竄之尋賜死

三十八年 頒大典後續錄

三十九年 十一月 上昇遐謚曰恭僖葬禧陵在高陽明宗大

紀元後一百癸五十二年卯 紀元後一百甲五十二年辰

王十七年壬戌遷奉世子即位○冊朴氏為妃仁聖
于廣州改號靖陵
王妃錦城府院君壻之女

仁宗大王諱皓 中宗第一子在位一年壽三十一

元年明世宗嘉靖二十四年命復趙光祖爵太學諸生屢上書

請復光祖爵至是上疾篤下遺教曰趙光祖事予

未嘗忘于心今予疾至此其復光祖爵○七月上

昇遐謚曰榮靖葬孝陵在高陽○上無嗣慶原大君以遺命

即位○尹元衡等誣殺尹任柳灌抑仁淑等元衡文

定主妃之弟也為人奸邪雖踐華要見弄清議常憤

嫉士林至是誣告任等謀危宗社任等竟坐死元衡

等錄勲○冊沈氏為妃即仁順王妃青陵府院君鋼之女

明宗大王諱桓字對陽 中宗大王第二子初封慶原大君在位二十二年

壽三十四

元年明世宗嘉靖二十五年處士徐敬德卒敬德字可久號花

潭唐城人築室於松京花潭深究邵易 仁宗朝以

薦授職至是卒年五十八宣廟朝贈右議政

八年前右贊成李彥迪卒彥迪字復古號晦齋驪州

人 中宗朝登第為諫官力斥金安老被劾罷歸安

老敗死復召用及尹任等獄事作彥迪抗辭力救尹

元衡劾之安置江界至是卒於謫所年六十三宣祖朝贈

紀元後一百乙五十四年巳

紀元後一百丙五十五年午

紀元後一百癸六十二年丑

紀元後一百乙
六十四年卯

十年倭寇全羅道陷達梁諸鎮遣李浚慶討却之○
設備邊司

紀元後一百壬
七十年辰

十七年遣南致勤討海西賊林居正平之居正嘯聚
羣黨攻掠州縣遣致勤討平之

紀元後一百癸
七十二年亥

十八年世子順卒謚曰順懷

紀元後一百甲
七十三年子

十九年處士成守琛卒守琛字仲玉號聽松靜菴門
人也舉遺逸累拜職終不就至是卒年七十二

紀元後一百乙
七十四年丑

二十年四月王大妃尹氏中宗王妃昇遐葬泰陵在楊州○竄
妖僧普雨普雨廣張佛法居處僭猥臺諫太學生連

章請罪命竄于外

二十一年是歲明世宗崩穆宗即位

二十二年六月上昇遐謚曰恭憲葬康陵在楊州○上無

嗣河城君以遺命即位領議政李浚慶受顧命迎立

宣祖大王諱脫初諱鉤德興大院君即中宗大王第三子初封河城君德興大院君即中宗大王第七子

在位四十一年壽五十七

元年明穆宗隆慶二年命儒臣柳希春等撰儒先錄上以

高麗鄭夢周始倡絕學本朝金宏弼鄭汝昌趙光

祖李彦迪等相繼而起發揮經傳有功於斯文乃命

希春等撰次其言行名曰儒先錄○追削南袞等爵

紀元後一百己
二十八年巳
紀元後一百庚
七十九年午

二年

冊朴氏為妃

即 懿仁 王妃潘城 府院 君應 順之女

三年

前贊成李滉卒滉字景浩號退溪真寶人中

廟朝登第就仕尋還鄉 明廟嘗使人畫其所居陶

山精舍以觀及 上即位召致擢用滉撰進聖學十

圖西銘考證 上虚心嘉納命皆繕寫為屏置諸左

右朝夕觀省至是卒年七十贈領議政謚文純

五年

是歲明 穆宗 崩神宗即位前尚瑞院判官曹植卒植字健仲

號南溟舉遺逸累授職及引對進治亂之道即辭歸

至是卒年七十二

八年

正月 王大妃沈氏

明宗 王妃 昇遐 祔葬 康陵

紀元後一百丁
八十六年丑

十年

十一月

王大妃朴氏

仁宗 王妃 昇遐 祔葬 康陵

○追復

尹任柳灌柳仁淑等爵

仍削尹元 衡等偽勳

十二年

前司宰監正成運卒運字健叔號大谷以薦

累授職辭不獲應命旋即還鄉至是卒年八十三

十六年

蕃胡尼湯介寇六鎮穩城府使申砮擊破之

因 焚 勳 巢 窟

十七年

前贊成李珥卒珥字叔獻號栗谷德水人

明宗朝登第就仕及 上即位被擢用嘗撰進聖學

輯要 上即命刊行又上萬言 上嘉納焉未幾辭

歸海州築室於石潭以居之至是卒年四十九後贈

紀元後一百甲
九十二年申

紀元後一百癸
九十二年未

紀元後一百己
八十八年卯

紀元後二百七十九年子

領議政謚文成

肅宗大王七年辛酉從祀文廟

二十一年

奏請使俞泓還自明初宗系被誣累世陳

奏未得昭雪至是

上遣泓如明力辨明帝諭以本

國宗系已改正載於會典遂頒降一本泓贖會典還

二十二年

鄭汝立謀叛伏誅

二十三年

策錄光國功臣尹根壽等十九人

以宗系卞誣時

前後奏請功也

○策錄平難功臣朴侃等十二人

以誅鄭汝立功也

二十四年

日本使玄蘇等來日本關伯平秀吉致書

于本國聲言欲犯明朝脅以假途言辭悖慢 上以

大義斥絕之因奏聞于明

紀元後二百七十九年子

紀元後二百九十八年丑

紀元後二百九十九年寅

紀元後二百九十八年卯

紀元後二百九十九年辰

二十五年

倭酋平秀吉遣清正等大舉入寇○賊陷

東萊府使宋象賢歿之○冊光海君為世子監撫軍

國事 上無適嗣臨海君及光海君即恭嬪金氏出

而臨海君為長至是值變亂議建儲臨海君有狂疾

故乃冊光海君為世子○賊薄京城 上出幸○上

夜渡臨津召諸宰問策都承旨李恒福首言我國兵

力不足以禦賊唯有西赴乞援明朝耳 上遂決西

幸○車駕進駐平壤○遣李德馨詣遼東乞援○德

馨至六上書泣懇準請○明遣副摠兵祖承訓游擊

史儒等領遼軍來救○世子奉 廟社王駐伊川○

提督官趙憲起義兵與倭戰于錦山不克死之憲號重峰精通乾象方倭使玄蘇之來上疏請斬其使奏于明廷又請嚴兵以待之至於叩首流血人譏其苦憲曰明年此時竄山谷必思吾言至是其言果驗遂倡義討賊與僧靈圭等七百人同時死之○高敬命金千鎰等亦起義兵戰死之敬命子從厚因厚千鎰之子象乾皆同死○倭賊進陷平壤城○上幸義州○遣鄭崑壽如明乞師時本國連遣使請救於遼廣各衙門明兵尚不出乃遣崑壽乞援於明京明帝遣李如松劉綎等將兵來援

紀元後二癸
百二年巳

二十六年 李如松等引兵還○上還都○設壇祀先

聖 上既還欲親祭文廟禮官以為聖殿燒燼亦無位版行祭無所 上命築壇於學宮之側設位於其上躬進而祀之○設訓練都監 上嘉中朝人戚繼光浙兵之制設都監令相臣柳成龍王其事募丁壯以其法教之

紀元後二甲
百三年午

二十七年 遣世子全慶地方整理軍務

紀元後二丙
百五年申

二十九年 李夢鶴作亂陷州郡洪州牧使洪可臣執誅之○策錄靖難功臣洪可臣等四人

紀元後二丁
百六年酉

三十年 倭將清正等復入寇明帝遣楊鎬麻貴邢玠

紀元後二戊
百七年 戊

等討倭賊大破之

三十年

前叅贊成渾卒渾字浩原號牛溪守琛之

子也被薦拜職嘗特命入侍進講未幾歸坡山至是

卒年六十四

仁祖朝贈左議政諡文肅宗朝從祀文廟

○明帝命楊鎬

罷還遣萬世德代鎬時明贊劃主事丁應泰疏論鎬

罪帝命鎬罷還

上遣崔天健下鎬受誣○遣李恒

福李廷龜等下誣丁應泰誣本國甚慘

上遣恒福

等下其誣奏文廷龜所製也明帝命五府九卿科道

等會議羣議皆明本國忠貞斥應泰謬妄明帝命昭

雪受誣應泰革職為民○統制使李舜臣擊破倭兵

中流丸卒舜臣率舟師擊倭屢大捷賊船不敢向西

至是遇賊於露梁鏖戰大破之為流丸所中遂卒

露梁在南○倭賊撤兵歸時秀吉死倭賊聞之遂撤還○

建關王廟壬辰征倭之時關王屢現其靈以神兵助

戰明朝將士各出金創廟於崇禮門外山麓本國亦

助費以成及工訖 上親臨拜塑至庚子明朝以四

千金付撫臣萬世德立祠於本國而詔之曰關公之

靈素著於中國平倭之役亦賴顯助本國固當尸祝

之上命有司又建廟於興仁門外明賜額曰顯靈

昭德王關公之廟

紀元後二庚
百九十年子

三十二年六月 王妃朴氏昇遐 葬穆陵在楊州初號裕陵 ○萬

世德引兵還明倭寇既息而世德仍留兵以備至是乃歸

紀元後二壬
百一十年寅

三十五年冊金氏為繼妃 卽院君仁穆仁妃延興 ○文

廟重修告成

紀元後二甲
百一十三年辰

三十七年改量田

紀元後二乙
百一十四年巳

三十八年 策錄扈聖功臣李恒福等八十六人 幸時以討倭功也 ○策錄宣武功臣李舜臣等十八人 功也

紀元後二丙
百一十五年午

三十九年 日本遣使求和遣呂祐吉等報之

紀元後二戊
百一十七年申

四十二年 二月 上昇遐謚曰昭敬 葬穆陵初葬健元陵西岡仁

祖大王八年庚午遷奉于健元陵第二岡興 王妃同陵 ○世子卽位 ○冊柳氏

為妃 判尹自新之女 ○宗廟重修告成

廢王光海君 名瑋 宣祖第二子 在位十四年

元年 明神宗萬曆三十七年 殺臨海君 瑋 光海惡其逼已誣以謀逆殺之

二年 以金宏弼鄭汝昌趙光祖李彥迪李滉從祀文

廟 從太學流請也

四年 殺詩人權鞞時宮戚柳希奮等預政專恣鞞賦

詩有宮柳青青鶯亂飛之句光海聞之以宮柳二字

為侮弄宮戚親鞞拷掠發配道歿鞞號石洲後贈持

平

紀元後二百癸
二十二年丑

五年

殺延興府院君金悌男悌男

仁穆王妃父也

朴應犀受爾瞻嫉誣告悌男謀逆闔門被殺相臣李

德馨知禍及 大妃憂憤成疾卒 悌男獄成李爾

瞻等錄勲仁廟反正○錮 王大妃宮門別置禁兵

紀元後二百甲
二十三年寅

六年

殺永昌大君璣大君 仁穆王妃出也爾瞻等

指永昌為逆魁三司交章請誅光海使人收捕之永

昌時年八歲在 王大妃抱中 大妃哭而使者迫

脅奪去遂安置于江華府使鄭沆承風旨燒殺之○

安置前弼善鄭蘊於大靜醜相臣李元翼於洪川癸

丑獄事之後鄭造等受再瞻嫉首發廢母之論蘊疏

論造等罪元翼又進疏言甚切直光海大怒蘊安置

元翼中途付處儒生趙慶起洪茂績鄭復亨趙浚等

亦率多士上疏或獨疏極言皆被竄謫

八年

建仁慶慶德兩宮

仁慶宮在仁玉山山下宮基本元宗大玉私邸術者言有王

氣故光海創是宮以壓之仁廟朝撤毀之慶德宮在敦義門內

九年

立賣官贖刑之科

營建財乏故也○竄領中樞府事李

恒福于北青自甲寅獄事後有廢母之論至是王令

收議於百官恒福力陳春秋子無讐母之義遂竄北

青到配尋卒鄭弘翼金德誠金權等亦於收議極言

切諫皆被罪

紀元後二百丁
二十六年巳

紀元後二百丙
二十五年辰

紀元後二百七十五年午

十年

廢

王大妃幽于西宮別置大將領兵圍守供進朝謁并停貞明公主亦大妃出故議降為庶人

紀元後二百七十八年未

十一年

是歲後金建國稱帝建元天命

明徵兵討金遣都元帥姜弘

立副元帥金景瑞赴征弘立等降左營將金應河死之弘立等將行光海密教觀變向背弘立等到深河不戰而降于金應河力戰死○金遣人請和○金送書智通和好使平安監司朴燁答書以送續遣使探其情形奏于明

紀元後二百七十九年申

十二年

是歲明神宗崩光宗即位前大司憲鄭述卒述

字道可號寒岡曹植門人也以薦授職累超遷至是

卒年七十八

十三年

由海路入貢于明時金人陷瀋陽貢使由海

路行多遭滄沒

十四年

明將毛文龍入據椴島初文龍駐鎮江及金

人陷鎮江文龍收兵東來開府椴島號東江鎮遼民

來歸者數十萬明帝陞文龍為摠兵提督

元宗大王

諱瑋仁祖大王第五子初封定遠君

追崇封章陵在金浦

仁祖大王

諱侲字和伯元宗大王第五子初封綾陽

君在位二十七年壽五十五

明神宗

卷之三

二十六

紀元後二百癸
三十二年亥

元年

明熹宗天啓三年

王大妃

仁妃穆

命廢王降封為君遷

于江華冊綾陽君嗣位時倫紀斃絕荒亂滋甚宗社

幾危 仁祖大王與金鑿李貴申景禎崔鳴吉李曙

等奉 大妃復位 大妃命廢王遂降冊立之教○

冊韓氏為妃即院君俊謙之女 ○誅昏朝亂臣李

爾瞻等召用舊臣李元翼等上誅鄭仁弘李爾瞻韓

績男鄭造尹訥朴燁鄭遵等以李元翼為領相召還

鄭蘊鄭弘翼金德誠於謫所 宣祖朝舊臣尹昉申

欽吳允謙李廷龜鄭經世等及其他以言獲罪者皆

收用○策錄靖社功臣金滌等五十人

紀元後二百甲
三十三年子

二年

李适以平安兵使叛兵逼京城 上幸公州○

都元帥張晚別將鄭忠信等大破适兵於鞍峴适走

為其下所斬獻○上還都○策錄振武功臣張晚等

三十二人○日本遣使來聘日本關伯源秀忠傳位

於其子家光遣使請修世好遣鄭崑等報之○毛文

龍設鎮于宣川

紀元後二百乙
三十四年寅

四年

正月府夫人具氏卒即孟之仁獻王后左贊成思

府夫人十年壬申 ○築南漢山城即百濟溫祚王舊

事

紀元後二百丁
三十六年卯

五年

是歲明熹宗崩毅宗即位 金人來侵 上幸江都金人以姜

明神宗代

卷之三

二十七

弘立為導大舉兵來陷義州府尹李莞歿之金兵至平山上入江都世子如全州鎮撫南方○金人請和而歸金人書中有勿助南朝之語 上據義却之金將以為朝鮮守禮義之國不可脅以非理只請結隣通好朝廷應其請○明遣袁崇煥將兵來援尋罷歸使臣金尚憲在北京聞本國被兵呈書請援明廷命崇煥率兵往救之軍到鴨綠江聞金人已講和遂罷歸 上還都○遣權帖等如明以被寇危迫羈縻等情奏聞○毛文龍攻陷碧潼等郡○橫城人李仁居起兵叛原州牧使洪贇執送京師誅之○策錄昭

武功臣洪贇等六人

六年 是歲金改國號曰清改元崇德 柳孝立謀叛伏誅孝立辭引仁

城君珙百官請誅珙珙自裁○策錄寧社功臣許禔等十一人

七年 明經略袁崇煥執毛文龍斬之陳繼盛代領其軍文龍會崇煥于寧遠前洋崇煥以便宜誅之移咨我國數文龍罪

八年 遣李曙鄭忠信等討劉興治先是興治自清亡歸毛文龍鎮至是興治率其黨作亂據有島衆攻殺摠兵陳繼盛朝廷遣曙等發水陸軍討之興治遁入

紀元後二百戊
三十七年辰

紀元後二百己
三十八年巳

紀元後二百庚
三十九年午

紀元後二百辛
四十年 未

登洋島中官軍遂罷歸明朝諸將聞而義之

九年前刑曹叅判金長生卒長生字希元號沙溪李

珥門人也 宣廟朝以薦授職 上即位之初徵召

累超遷至是卒年八十四

紀元後二百壬
四十一年 甲

十年五月追崇 皇考為 元宗大王 皇妣具氏

為 仁獻王妃○六月 大王大妃金氏宣祖王妃昇遐

為葬穆陵初號惠陵。時清遣帛使來有稱詔故擯斥之

紀元後二百癸
四十二年 酉

十一年命發舟師討耿仲明明登州將耿仲明等舉

眾投清舟到狄江明將追擊我國發兵夾攻破之

紀元後二百乙
四十四年 亥

十三年十二月 王妃韓氏昇遐葬長陵在坡州○忠清全

羅慶尚三道改量田

紀元後二百丙
四十五年 子

十四年清大舉兵來 上入南漢山城清嘗遣使來

稱詔朝廷爭請斬其使其使竊聞之驚遁清主怒自

將十萬兵猝至 王妃及大君奉廟社王先入于江

都 上因勢急率世子幸南漢

紀元後二百丁
四十六年 丑

十五年清兵陷江都領敦寧府事金尚容自焚死尚

容號仙源江都將陷尚容登南城譙樓踞火藥櫓上

自焚而死士人金益兼權順長等皆從死前都正沈

覲奉常正李時稷等亦自縊死○清撤兵還○上還

都是時江都已陷南漢幾危 上為宗社有城下之

盟故撤還○清兵還助兵陷檄島○世子及鳳林大君質于瀋判書金尚憲叅判鄭蘊在南漢自裁不殊退歸嶺南儒臣張顯光入深山不復出後當歲時上猶於禁苑西向哭拜以伸望闕之禮○清執學士洪翼漢吳達濟尹集等以歸三人以斥和同時被索後皆遇害云

紀元後二百戊四十七年 寅

十六年

冊趙氏為繼妃

即府院

莊烈王妃漢原君昌遠之女

○遣兵

助清入錦州○後二年又入盖州金尚憲及儒臣安邦俊等諫不聽○遣人通奏于明初朝廷因相臣崔鳴吉議以丁丑事情具文移咨陳都督洪範冀聞明

廷久未得報至是又具奏咨付僧獨步令平安兵使林慶業裝遣涉海傳達得回咨有曰貴國苦情天人共鑑

紀元後二百庚四十九年 辰

十八年

清索執前判書金尚憲囚瀋陽尚憲尚容之弟號清陰嘗斥和故被執而去脅之終不屈遂囚於瀋獄至六年乃歸官至左相持平曹漢英又以斥

和諧尚憲被執同囚瀋獄後放還官至叅判

十九年

光海君卒反正之初

仁穆王妃欲誅之

上為之曲貸遷于江華尋移濟州至是卒○前府尹黃一皓為清使所殺一皓曾任義州資送崔孝一欲

紀元後二百辛五十年 巳

魏後二百七
五十四年午

以計殺清汗事覺清使來戕一皓及車禮亮等

二十年 李焯伏誅焯為宣川府使以潛商事發清執

囚將殺之焯為偷生計計本國陰事乃言崔鳴吉遣

僧通信南朝李敬輿不用崇德年號申翊聖李明漢

亦為南朝守節遂并被執囚于瀋館經年乃釋及焯

還國 上命誅之○平安兵使林慶業亡入于明尋

還慶業以裝遣獨步事亦為李焯所訴被本國拿送

慶業路遁浮海向南京至登州依本鎮主將黃宗藝

未幾為裨將馬登所誤遂陷於清陣執送北京誘降

終不屈以為義士檻送于本國金自點以委官挾私

憾殺之

魏後二百甲
五十四年申

二十二年 是歲流賊李自成陷明京焚宮闕明帝殉社稷清世祖入燕京為帝改元順治明赧

皇帝即位於南京 沈器遠謀逆伏誅○策錄寧國功臣具仁

厘等四人

魏後二百乙
五十四年酉

二十三年 是歲明赧帝崩隆武帝即位世子及大君

至自瀋陽○世子卒 昭顯○冊鳳林大君為世子時

元孫年幼 上以國有長君社稷之福乃冊鳳林大

君為世子○置侍講院贊善諮議以金集宋時烈等

為之翊善後改進善

二十四年 賜故世子嬪姜氏死 相臣李敬輿大司憲

魏後二百丙
五十五年戌

紀後百己
五十八年丑

二十七年五月 上昇遐葬長陵與○世子即位○

召用舊相金尚憲李敬輿儒臣金集宋浚吉宋時烈

等○上進用士流欲以復讐雪耻黜金自點等○冊

張氏為妃即仁宣王妃新豐府院君維之女

孝宗大王諱湔字靜淵仁祖大王在位十年壽四

十一

紀後二百庚
五十九年寅

元年明永曆四年○是歲永曆皇帝為北軍所清使

來竄相臣李景奭等金自點子鉞及申冕怨宋浚吉

等諸賢流言于清清主遣七使臨江驗問國內震懼

景奭引以自當遣宗室女嫁清貴臣事稍解又以陵

誌不書清號大提學趙綱被竄清使復來褫李敬輿

相職明年鉞冕陰謀始發并杖死

紀後二百辛
六十年卯

二年金自點謀逆伏誅○行常平通寶 仁祖癸酉

命鑄錢尋罷至是相臣金堉奏行之後又寢罷○行

大同法於忠清道用相臣金堉言也一結收十二斗

以供京外之用無他繇役民甚便之

四年贈鄭蘊吏曹判書蘊於光海時抗疏立節又於

丙子之亂隨駕入南漢和議成割刃幾死乃曰吾不

死於南漢何面目對妻子入德裕山結茅舍以終身

至是贈職○追贈洪翼漢等三人爵肅宗大王十一

月詳乘代史各卷之三 三十一

紀後二百癸
六十一年巳

紀元後二百六十四年宋

魯謚立 祠南漢

六年

命制水車

上教曰昔行燕瀋之路諦觀稼穡

之事灌溉之用莫如水車而我國全昧此制令下其制于廟堂審其便否傳布外方以為勸農之一助○

黃海監司金弘郁下獄死弘郁疏言姜氏之冤忤旨

拷死

後用宋時 烈言伸理

八年

設置營將於忠全慶三道

上有志於軍政特

加設置○判中樞府事金集卒集子士剛號慎獨齋

長生之子累徵至吏曹判書至是卒年八十四謚文

敬

紀元後二百六十六年西

紀元後二百六十七年戊

九年

行大同法於全羅道○徵宋時烈為吏曹判書

宋浚吉為大司憲

上復任儒賢與相臣鄭太和大

將李浣圖議北伐浚吉尋陞兵曹判書○置成均館

祭酒

以宋浚 吉為之

十年

五月

上昇遐

葬寧陵○初葬楊州 顯宗大

○世子即位○冊金氏為妃

即明聖王妃 顯宗大

顯宗大王

諱欄字景直 宗大王世子

孝在位十五年壽三十四

元年

清世祖順 治十七年

流尹善道○宋時烈等秉國政尹鑄

忌伎之倡言大喪 大妃宜服三年而定為期制是

甲主貳宗喉善道疏許 上焚其章竄北邊而許穆

紀元後二百六十九年子

洪字遠趙綱先後持其說時烈已歸宋浚吉至是亦退

紀元後二百辛
七十年 丑

三年 徵宋浚吉宋時烈至京兩賢間或赴召入經筵而不復臨職事○明永曆帝凶問至○撤都中兩尼院以其材修葺學宮令年少尼還俗○上幸溫泉○賜祭故忠臣宋象賢趙憲李舜臣之墓舜臣等墓俱在忠清道內

紀元後二百丁
七十六年 未

八年 執福建漂人陳得等送于清得等不改華人衣冠持永曆二十一年

曆年

九年 擢宋時烈為相赴召不拜

紀元後二百戊
七十七年 申

紀元後二百己
七十八年 酉

十年 追祔 神德王妃于太廟復貞陵 神德王妃太祖大王繼妃也闕並祔之禮神人乂鬱至是追祔之封陵設祭之日驟雨滂沱人以為洗冤雨

十一年 大疫

紀元後二百辛
八十年 亥

十三年 前吏曹判書宋浚吉卒浚吉字明甫號同春堂金長生門人也自 仁祖朝被徵 孝宗以後待以賓師至是因論相臣許積之奸恩禮不終而卒年六十七謚文正

紀元後二百壬
八十一年 子

十四年 遷奉寧陵于驪州尹鑄等設計欲以中宗時烈壙內無災患事得已

紀元後二百癸
八十二年 丑

紀元後三百甲
八十三年地

十五年

二月 王大妃張氏孝宗土妃昇遐附葬寧陵 ○竄相

臣金壽興 仁宣大妃喪論服制得失首相先被罪

士禍已始會 上疾劇而止 ○八月 上昇遐葬崇陵在

楊 ○世子即位 ○冊金氏為妃即仁敬王妃光城府院君葛基之女

肅宗大王諱焯字明普 顯在位四十六年壽六十

元年清聖祖康熙十四年 竄大臣宋時烈金壽恒等追奪宋浚

吉官許積尹鑄等挾宗室楨柁以禮論陷士類時烈

諫德源荐棘長鬚巨齊朴憲趙嗣基誣逼 慈殿壽

恒抗疏謫靈巖許積尹鑄之徒大進伸救時烈等者

輒竄黜宋尚敏至拷歿

紀元後三百戊
八十七年午

四年 行大同法於慶尚道 ○復行錢貨於八道

紀元後三百庚
八十九年申

六年 宗室楨許積等伏誅楨柁及積妾子堅有凶謀

金錫胄發其事鞫治按法吳始壽尹鑄李元禎等各

以罪歿 ○復相金壽恒擢閔鼎重為相 ○收錄罪籍

宋時烈宋浚吉等皆宥 ○策錄保社功臣金錫胄等

六人以誅楨堅追錄李師命等六人以誅吳挺 ○十

月王妃金氏昇遐葬翼陵在楊州

冊閔氏為繼妃即仁顯王后驪陽府院君維重之女 ○上 定

宗廟號 ○從祀文成公李珥文簡公成渾于文廟宋

儒楊時羅從彥李侗三賢亦至是始享

明洋歷代史卷之三

三十五

紀元後二百一十九年戊

八年 設禁衛營兵判金錫胄請以精抄廳及訓局別隊軍設營以兵判例兼大將英宗甲戌別置大將

紀元後二百九十二年亥

九年 召致宋時烈及儒臣朴世采等○閔鼎重贊

上志旁招賢俊勵精圖治尋以論議携貳罷歸○庚申以後少輩持論多與先進角立金錫胄金萬基金壽恒閔鼎重等稱西人以宋時烈為主趙持謙韓泰東吳道一等稱東人以朴世采為主○命立崇節祠于太學 上感何蕃陳東等節義特教祀之旋因年凶寢其役○十二月 王大妃金氏昇遐附葬崇陵 ○貶儒臣尹拯拯師宋

紀元後二百九十九年子

十年 纂 宣廟寶鑑李端夏纂進

時烈後背之貽書譏侮閔鼎重白其罪不復以儒賢待之

紀元後二百九十七年辰

十四年 徵朴世采為吏曹判書世采論宗室杭寵遇之過忤旨即歸首相南九萬救世采竄北邊○八月

大王大妃趙氏昇遐葬徽陵在楊州

紀元後二百九十八年巳

十五年 上命定元子號後官張氏所生年纔二歲 ○上進用睦

來善閔黯等竄遂舊臣宋時烈謫濟州金壽恒閔鼎重金壽興金萬重李翊等被竄李師命金益勳李翔等皆从黜李文成成文簡從祀削保社勳○前領議政金壽恒賜死壽恒尚憲之孫號文谷早有清名久

典文衡謫珍島受命後謚文忠○中宮閔氏遜位冊立張氏判書吳斗寅應教朴泰輔諫歿○前左議政宋時烈賜歿時烈字英甫號九菴金長生門人早魁生員仁祖朝被徵不起孝宗有大志最加委任至是為黜等所誣被逮至井邑受命年八十三後謚

文正

紀元後二百庚九十九年午

十六年

冊世子

即景宗大王

紀元後辛三百年未

十七年

復成三問等六臣官

先已許建祠院

紀元後三子百一年申

十八年

前左議政閔鼎重卒于謫鼎重號老峰與弟維重自少負重望後謚文忠

紀元後三癸百二年酉

十九年

上幸松京

紀元後三甲百三年戌

二十年

中宮閔氏復位討閔黯趙嗣基等擢朴世采為相上覺悟黯奸凶伸善類復兩賢從祀及保

社勲惟削追錄張氏降為嬪○命復宋時烈等爵

紀元後三乙百四年亥

二十一年

左議政朴世采卒世采字和叔號南溪又稱玄石顯宗朝被徵至是拜相職歸坡州卒年六

十五謚文純

紀元後三戊百七年寅

二十四年

復端宗大王及定順王妃位號陞享于永寧殿封莊陵思陵○祀中宗廢妃慎氏于別廟

紀元後辛百十年巳

二十七年

命太學建啓望祠祀叔梁紇配以顏無繇

曾點孔鯉孟孫氏○八月 王妃閔氏昇遐葬明陵在揚州
巫蠱事發討張氏及宗室杭張希載等仍治南九萬
柳尚運甲戌護逆之罪

紀元後三十一
百一十一年午

二十八年

冊金氏為繼妃即仁元王后慶恩府院君柱臣之女

紀元後三十三
百一十三年甲

三十年

設大報壇先是以明毅宗殉社舊甲三月設

紀元後三十四
百一十四年酉

三十二年

命禪位于世子旋寢 上欲就聞調養有

是命諸臣固爭而止

紀元後三十五
百一十五年戊

三十四年

前禮曹判書金昌協卒昌協字仲和號農

東宮欲以交間宮闈並杖死

紀元後三十七
百一十七年子

三十六年

量田于江原道○毀禮記類編領相崔錫

巖壽恒之子早通顯自遭家禍屏居力學累遷正卿
文衡不拜至是卒年五十八謚文簡

紀元後三十八
百一十八年寅

三十七年

築北漢城○罷內需司獄

鼎撰是書刊布進講自前年士類斥其割裂僭妄輒
被罪至是錫鼎譴黜乃從羣請

紀元後三十九
百一十九年卯

三十八年

定白頭山界以朴權為定界使同清差穆

克登監定

紀元後四十
百二十年巳

三十九年

上尊號

紀元後三百甲
二十三年午

四十年復方喪古制○以宋儒濂溪明道伊川橫渠
康節晦菴六賢配享文廟

紀元後三百丙
二十五年申

四十二年罷大司憲權尚夏職上見家禮源流序跋
譏斥尹拯疑出黨論先削副提學鄭浩官納李真儒
等言有是命士類多被譴數月並還收○毀尹宣舉
尹拯祠院宣舉拯之父 孝宗朝徵以司業拯間被
超擢至右議政不出卒已數年至是 上改悔源流
事儒疏發宣舉文集語逼 孝廟並論拯背師罪命
撤院額毀集板明年並追削其官

紀元後三百丁
二十六年酉

四十三年

上幸溫泉

召見贊成
權尚夏

○從祀文元公金

長生子文廟又以御筆額于宋時烈華陽書院宋浚
吉興巖書院○命世子代理

紀元後三百戊
二十七年戌

四十四年

仲姜嬪寃

謚曰
愍懷

紀元後三百己
二十八年亥

四十五年

上入耆社○量田于三南

紀元後三百庚
二十九年子

四十六年六月

上昇遐

葬明陵與
同陵

○世子即位○

冊魚氏為妃

即院君有龜之
女成原

○追冊元妃沈氏

即端懿王妃青恩
府院君浩之女

宗四十四年戊戌昇遐
葬惠陵在揚州

肅

在位四年壽三十七

景宗大王

諱昉字輝瑞
宗大王世子

肅

在位四年壽三十七

元年

清聖祖康熙
六十年

前左議政權尚夏卒尚夏字致道號

遂菴宋浚吉宋時烈門人也累徵不起至是卒年八

紀元後三百辛
三十年丑

朝鮮歷代史略

卷之三

三十九

十一謚文純○冊延初君為世弟柳鳳輝投疏沮撓旋命代理羣少力持還寢○金一鏡等謀害大臣竄金昌集等一鏡及趙泰者等乘上疾甚挾宦侍矯旨以建儲代理為案盡逐廷臣○殺太學生尹志述以嘗疏斥陵誌諱言張氏處分及丙申斯文事也後因一鏡李光佐奏立張氏祠尊為王山府大嬪○宦者朴尚儉伏誅大妃發尚儉等結凶徒謀害東宮狀泰者為首相匿其事只殺尚儉及宮女必貞等以滅口判書申鉉宋相琦疏劾被竄

紀元後三百三十二年庚



大臣金昌集李頤命李健命趙泰米皆賜死賤

人睦虎龍告變起大獄先殺儒生金龍澤李喜之金省行徐德修等仍殺四大臣及判書李晚成叅判洪啓迪金雲澤大將李弘述等以逼東宮虎龍錄扶社勲一鏡擢兵曹判書○復尹拯父子官

紀元後三百三十二年甲



三年追奪故相權尚夏官○黜宋時烈道峰院享及金壽恒金昌協等院享判書鄭浩閔鎮遠贊善李喜朝等先後被竄

紀元後三百三十三年辰



四年八月上昇遐葬懿陵在楊州○世弟即位○冊徐氏

為妃即貞聖王后達城府院君宗悌之女○金一鏡睦虎龍伏誅英宗大王諱昫字光叔肅宗大在位五十二年壽

八十三

紀元後三百乙
三十四年巳

元年

清世宗雍正二年

起舊臣鄭澔閔鎮遠等伸壬寅獄討

柳鳳輝等 上黜凶黨進用舊臣澔鎮遠及李觀命

為相李宜顯為吏曹判書李緯為大提學不拜釋罪

籍削偽勲立四忠祠于露梁配尹志述于崇節祠諸

臣請鳳輝竄配泰耆及崔錫恒追奪李師尚絞○誅

李天海 上幸懿陵天海以軍校受嗾凶徒詬罵于

駕前鞫治不吐其實○除壓膝刑後又除烙刑○封王世

子即真宗大王

三年

上激怒諸臣懲討之請遽翻前案四大臣以

紀元後三百丁
三十六年未

下還置罪籍光佐泰億復相

四年

湖西賊李麟佐等反陷清州遣將討平之○自

甲辰大喪凶黨與已已餘孽合謀稱兵麟佐先犯清

州兵使李鳳祥營將南延年死之鄭希亮起嶺南朴

弼顯以泰仁監監起沈維賢南泰徵為內應平安兵

使李思晟咸鏡監司權益寬全羅監司鄭思孝等互

相糾結指日犯京前領相崔奎瑞上變鞫治兵曹判

書吳命恒出征克湖賊于安城嶺賊為營邑所平而

監司黃璿遇毒卒誅討諸賊及其黨朴弼夢宗室坦

等鳳祥等旌閣立祠○策錄奮武功臣吳命恒等十

紀元後三百戊
三十七年申

五人後改揚武○十一月世子卒世子靖嬪李氏所生初封敬義君陞儲位年甫十歲而夭崇在咀呪謚曰孝章

五年復故相李健命趙泰采官○上納蕩平之論奏用舊臣深戒黨習相臣趙文命洪致中判書宋寅明主其事

六年命尹淳等纂肅廟寶鑑○誅鄭道隆羅弘彥等年前宮中咀呪及諸凶推戴宗室壞圻事發○六月王大妃魚氏昇遐附葬陵○大有年

七年遷奉長陵于交河

十二年冊世子映嬪李氏所生方二歲

十五年復慎妃位號祔于太廟謚曰溫陵在楊州

十六年親行大射禮釐正太廟樂章○復故相金昌集李頤命官至是誣獄頗伸舊臣之引退者多出仕而金龍澤等五人仍置逆案著大訓以戒兩黨爭論

施重罪○上尊號後凡五

十七年革翰林薦銓郎選規

二十年上入耆社○撰續大典後修續五禮儀及喪禮補編○

革全家徙邊律代以徒三年

二十二年禁用紋緞綾羅戒奢侈也○召儒臣朴弼

紀元後三百己酉

紀元後三百庚戌

紀元後三百辛亥

紀元後三百丙辰

紀元後三百巳未

紀元後三百庚申

紀元後三百辛酉

紀元後三百甲子

紀元後三百丙寅

周為吏曹判書用其言許泰考鳳輝等追奪○前叅贊李緯卒緯字熙卿號陶菴少入玉堂恬退篤學至是卒年六十七後謚文正

紀元後三百丁五十六年卯

二十三年 定生員進士襴衫幘頭制倣明太學生服

也自是革壯元擇人之例○復故相皇甫仁金宗瑞等官仁宗瑞 端宗朝相臣也繼伸安平大君瑢寬

紀元後三百己五十八年巳

三十五年 命世子代理○並享明太祖毅宗兩帝于

大報壇

紀元後三百庚五十九年午

三十六年 蠲良役設均役廳減良布之半取魚鹽雜

稅補其代○上幸溫泉

紀元後三百辛六十年未

三十七年 十一月孝章世子嬪趙氏卒即孝純王后豐陵府院

君文命之女 正宗丙申 追崇與 真宗永陵同原

紀元後三百壬六十二年申

三十八年 世孫卒年三歲 謚

紀元後三百癸六十二年酉

三十九年 尊謚淑嬪崔氏定宮園制淑嬪 上之私親也 甲子建廟

號毓祥慕日昭寧 至是尊為宮園

紀元後三百乙六十四年亥

三十年 尹志申致雲等謀逆伏誅一鏡餘黨凶謀

未已至是綻發 上始行誅討仍許泰考鳳輝李真

儒李明彥等施大逆律光佐錫恒泰億追奪○撰闡

義昭鑑○編勘亂錄具著自辛丑迄今年逆獄源委

○命復四忠祠大訓後多修改金龍澤等亦始宥之

紀元後三百丙
六十五年子

三十二年 申嚴酒禁並停祀享之用○從祀文正公

宋時烈文正公宋浚吉于文廟○大內樂善堂火

紀元後三百丁
六十六年丑

三十三年 二月 王妃徐氏昇遐葬弘陵○三月

大王大妃金氏昇遐明陵○改婦人首飾禁加髻辮

髮以戒糜財至癸未以混於宮樣復舊制

紀元後三百己
六十八年卯

三十五年 冊金氏為繼妃即貞純王妃○府院君漢者之女

紀元後三百庚
六十九年辰

三十六年 都城內濬川以都民被水患發丁濬城內
川渠以柳編結仍設濬川司每年修濬癸巳改築○世

子幸溫泉

紀元後三百壬
七十一年午

三十八年 五月世子卒 上復政謚世子前右相趙

載浩賜死○召致贊善宋明欽

紀元後三百甲
七十三年申

四十年 從祀文純公朴世采于文廟京外儒生曾請
從祀而不允至是 上謂文純嘗為蕩平祛黨之論

特許之諸臣多爭執○竄贊善申暉暉連疏明朴文
純之論非如近世之紊亂忠逆忤旨謫極邊以卒○

上著嚴隄防裕昆錄罪牀儒林加罪宋明欽等

紀元後三百丁
七十六年亥

四十三年 弛酒禁○山陰縣七歲女生男

紀元後三百巳
七十八年丑

四十五年 虎入都城

紀元後三百庚
七十九年寅

四十六年 鞫疏儒韓鎬鎬攻領相洪鳳漢被刑島配
亦命鳳漢致仕○除治盜足刑○鞫崔益男益男以

前持平疏言世孫之不拜思悼墓仍斥首相金致仁欲以陷廷臣設鞫杖死○赦韓鎬

紀元後三百廿八年 卯

四十七年

流王孫裊禎于濟州

並竄洪鳳 吳旋寢

○遣使辨

綱鑑會纂誣語于清濟人朱璘修明紀宗系猶存誣辭載 仁祖反正事多誣罔 上聞之驚痛遣使辨

明搜綱鑑及皇朝通紀悉焚之諱匿者多坐死○誅韓鎬復疏攻鳳漢目以凶逆 上惡其疑亂壬午

事並其黨沈儀之斬之○立肇慶廟于全州

祀國朝始祖完

伯山○復懸申聞鼓

紀元後三百廿八十八年 辰

四十八年

竄領議政金致仁追奪儒臣宋明欽官時

戚里橫肆金龜柱與洪鳳漢分黨相攻鄭厚謙仍竊柄廷臣多被威罰或追理舊事旋還○復李光佐等官叅判趙榮順引義被竄臺官黃昇源坐不討榮順刑訊

紀元後三百廿八十四年 未

五十一年

執義南絳老被誅李潭久為吏判助鄭厚謙勢絳老劾潭司諫李迪輔繼之並斥厚謙 上竄

迪輔仍斬絳老○命世孫代理

五十二年

三月

上昇遐

葬元陵 在楊州

○世孫即位○冊

金氏為妃

即 孝懿王后 清原 府院君時默之女

○追尊

孝章世子

為 真宗大王嬪趙氏為孝純王后

上思悼世子之子也 伯父孝章

紀元後三百廿八十五年 申

明洋歷代史各

卷之三

四十五

皇朝通志卷之三

世子早薨 英宗丙申賜號承 統 正宗即位 因遺教 追崇 ○追上思悼世子謚

日莊獻尊垂恩墓曰永祐園廟曰景慕宮尊惠嬪洪

氏為惠慶宮○命追奪李光佐趙泰億崔錫恒官爵

○追施金尚魯逆律○追配文正公宋時烈于 孝

宗廟庭○建奎章閣于內苑列聖宸章寶墨別為奉

謨堂奉之○賜洪麟漢鄭厚謙歿

真宗大王 諱緯字聖敬 英宗大王第一子初封敬 義君 正宗丙申追崇封永陵 在坡州

正宗大王 諱祘字亨運莊 獻世子第二子 在位二十四年壽四十九

元年 清高宗乾隆 四十二年 命旌 端宗忠臣河緯地閣

二年 封靖嬪墓為綏吉園廟為延祐宮○命故相臣

紀元後三百丁 八十六年酉 紀元後三百戊 八十七年戌

金昌集配享 英宗廟庭○命纂明義錄印頒中外

○禁巫女出入城闈

三年 命賜額文正公宋時烈祠

四年 建月觀門於內苑之東○命定抄啓文臣講製

之規

五年 命致祭于文元公李彥迪玉山書院文純公李

滉陶山書院○御定八子百選 上憂文體日下手

選唐宋八家文印行○命閣臣修日省錄

六年 詣文廟行酌獻禮前一日齋宿于明倫堂設食

堂于庭前即國朝初有之盛禮也○尊 英宗大王

紀元後三百己 八十八年亥 紀元後三百庚 八十九年子 紀元後三百辛 九十年丑

紀元後三百壬 九十一年寅

為世室

七年 命太學行圓點法

八年 命高麗侍中忠靖公禹玄寶配享崧陽書院仍賜祭玄寶祭酒倬之孫受業於文敬公安軸之門與鄭夢周同心講究復喪制禁族婚典庠序○重建闕入齋于丕闡堂之西○命幸行時道傍禾穀之傷損者令地方官看審蠲稅○命疏批之過三日未下者政院微稟定式○命置交濟倉於北關各邑以救貧民

九年 命文純公權尚夏配享考巖書院

紀元後三百乙
九十四年巳

十年 飭京外搜訪過時未婚葬者助給其需○命定

老職加資歲首下批及大小科回榜人加資之式○命京外壽資百歲以上人加設同中樞單付○龍川薪烏有清國人潛蹤來住者為六百餘口地方官搜察之不待朝飭燒其家屋 上聞之教曰國綱立則邊禁不期嚴而自嚴今乃徒恃兩力之強弱務快一時之觀聽鬱攸所過雞犬亦空使屢百商人頓足鼠竄忠信之教豈容若是仍命罪地方官○王世子薨議定服制暮年

十一年 行綏嬪朴氏嘉禮官號曰嘉順○文苑黼黻

紀元後三百丁
九十六年未

活印廣布

紀元後三百戊
九十七年申

十二年

命特罷江陵獵雉之貢○命賜祭于寧越六

臣祠又賜祭于嚴興道之間○改義烈宮宮墓號曰
宣禧

紀元後三百己
九十八年酉

十三年

賜故相黃喜院額致祭○命臺臣年七十登

科三十年以上人武科五十年以上人蔭官年七十
筮仕四十年以上人並加資○命法聖羣山兩鎮將
並作邊地遷轉階級○遷奉永祐園于水原改園號
曰顯隆

紀元後三百庚
九十九年戌

十四年

命左相蔡濟恭收輯車天輅文集刊行○命

施文簡公金滄不祧之典○元子誕降 上親上賀

箋于 慈殿慈宮賜朝官年七十以上士庶年八十

以上加資京外受資者凡二萬
五千八百一十八人

十五年

命故處士金時習太學生南孝溫附享於彰

節祠○設壯勇營○命罷市廛貿易之法○摸寫御

真二本一本藏于景慕宮望廟樓一本藏于顯隆園

齋殿以替省定之禮以寓瞻依之思○命致祭于崇

德殿新羅諸王陵各置守護三戶○飭京外另給飢

民糊口庇身之需

十六年

命致祭于燕山君光海君墓

紀元後辛
四百年亥

紀元後壬
四百年子

紀元後四
百二年 丑

命長淵之大小青島募民許耕

○命特贈故

忠臣金厚孫左承旨厚孫江西人 宣祖癸巳駐蹕

本縣時值兵燹邑厨無物厚孫遠求饌品竭誠供厨

六十日○定太倉官自辟义任之式從戶判沈○禁

私服之用白靴○召見百歲老人余善傑特超崇政

階令度支造給玉圈○飭朝官隔等者讓路回避之

規從行司直○命贈故處士柳馨遠祭酒之職馨遠

磻溪隨錄論水原形便百年之前燭照今日之事也

○申嚴賊吏論勘之律

十八年命民事之趁時稟處者雖值齋日即為稟裁

紀元後四
百三年 寅

○復故藝文提學柳夢寅官加贈吏判○上以是年

惠慶宮寶齡七旬大慶賜京外老人爵凡七萬五千

一百四十五人乃召耆臣六卿以上指授義例彙為

一書名曰人瑞錄○琉球國漂人至京特授摠管以

寶劔差備送侍以示懷柔之意○御定朱書百選成

頒賜諸臣

十九年上奉 慈殿慈宮詣景慕宮坤殿同詣行

酌獻禮莊獻世子○上每由月觀門展拜景慕宮一

歲中凡五十餘次○上陪 慈宮詣顯隆園次華城

行宮進饌于 慈宮行七爵禮○上每於省園之路

紀元後四
百四年 卯

遷到彌勒峴停轡遠瞻下騎彷徨命名其地曰遲遲

臺○迨躋 桓祖大王 懿惠王后于永興本宮桓祖

誕降之八○申禁寧邊定平採金之弊○命設壇於回甲也

濟州三邑酌前冬餓殍○罷守禦京廳以守禦使出

鎮南漢為廣州畱守○命大臣臺諫與聞於一律欵

事著式○命內閣印頒忠武公李舜臣全書○命賜

祭文簡公朴祥仍施不祧之典

二十年命特下內帑錢一萬五千緡換穀送耽羅補

賑○命選清白吏故副提學李秉泰判書尹容判敦

寧鄭亨復左尹韓德弼兵使許晶○命武庫印煮硝

紀元後四丙
百五年辰

方廣布中外○御定奎章全韻成○命文靖公金麟

厚從享文廟○命毀撤諸曹諸司罪人拘畱之所○

命編校武經七書

二十一年咸興儒生獻白雉却之

二十二年上將親行祈穀祭時大雨雪相臣陳劄

乞寢不從○御定五經百篇成○創壯勇外營五衛

之制

二十三年命禁御兩營買城外民田立標定界許令

窮民入葬○命嚴禁內司放債之弊燒其券○御定

大學類義成○御定雅誦成○奎章閣進御製繕寫

紀元後四丁
百六年巳

紀元後四戊
百七年午

紀元後四巳
百八年未

本自春邱時至己未分為四集其目為三十凡一百九十一編題曰弘齋全書○命大提學洪良浩裒輯北關興王古蹟成書四編名曰興王肇乘

紀元後四百庚
百九年申

三十四年冊元子為王世子仍行冠禮○六月 上

昇遐葬健陵在水原○王世子即位○尊 正宗大王為世

室○追奪洪國榮官爵

純祖大王諱珍字公寶宗大王世子 正在位三十四年壽四十

五

紀元後四百辛
百十年丙

元年清仁宗嘉慶六年 奉 正宗御真于華城行宮號曰華

寧○罷內奴婢寺奴婢仍命內司各官房各司奴婢

案燒火于敦化門外○命藥房各道別卜定海錯果

實諸種自今永除○印頒 正宗御定四部手圈

紀元後四百壬
百十一年戌

二年命罷壯勇營○命故太學生尹志述配享四賢

祠○冊金氏為妃即純元王后永安府院君祖淳之女 ○申嚴貪吏

廢錮之法○命故相臣李頤命李健命趙泰采特施

不祧之典○上篤於友愛妹淑善主下嫁也親製女

訓七編女戒六章以賜之

紀元後四百甲
百十二年子

四年命忠烈公河緯地施不祧之典○仁政殿成

紀元後四百乙
百十四年丑

五年正月 大王大妃金氏昇遐附葬元陵 ○聖痘平復

紀元後四百丙
百十五年寅

六年命賜金達淳歿○追施金漢祿金龜柱逆律

紀元後四百丁
廿六年 卯

七年 命追奪金鍾秀官爵黜廟庭配享○命施忠定公皇甫仁忠貞公吳斗寅忠肅公李世華文烈公朴泰輔不祧之典

紀元後四百戊
十七年 辰

八年 申明賀紋緞之禁

紀元後四百己
十八年 巳

九年 上因旱親祈雨于南壇御步輿屏繖蓋灌薦纔舉甘雨沛然袞衣盡濕都民環瞻感泣○八月元子誕生

紀元後四百庚
十九年 午

十年 命高麗忠臣贊成事朴門壽配享表節祠○命施故儒臣李柬節惠之典

紀元後四百辛
二十年 未

十一年 命遣通信使金履喬副使李勉求往赴日本

對馬島○關西土寇洪景來聚黨劫嘉山郡郡守鄭著歿之○命李堯憲為兩西巡撫使賜尚方劔便宜從事

紀元後四百壬
二十一年 申

十二年 賊入據定州城促令巡撫軍前進擊罷之○

命贈鄭著兵判○宣川府使金益淳伏誅身守封疆以城降賊

之罪○官軍收復定州○命錄勲以李堯憲為元勲

堯憲以無汗馬勞力辭旋寢錄勲之命令廟堂論實

○冊元子為王世子

十三年 築全州府南固山城設鎮置別將

十四年 命都下貧民抄戶發賣

紀元後四百癸
二十二年 酉
紀元後四百甲
二十三年 戌

紀元後四百乙
二十四年亥

紀元後四百丙
二十五年子

紀元後四百丁
二十六年丑

紀元後四百戊
二十七年寅

紀元後四百己
二十八年卯

紀元後四百辛
三十年巳

十五年 十二月 惠嬪洪氏薨附葬顯隆園

十六年 蠲蕩定州流戶糶穀五千九百斛

十七年 王世子詣文廟謁聖行入學禮○命減襄陽

貢蔘之半

十八年 命麗王諸陵之在開城者遣禮官三年一奉

審定式

十九年 冊趙氏為王世子嬪即神貞王后豐恩府院君萬永之女 憲宗

即位尊奉為王大妃

二十一年 三月 王大妃金氏昇遐附葬健陵○遷奉健

陵于顯隆園西岡○中外疹疾大熾旬日之間都下

灰亡以萬計遣亞卿別行厲祭于諸山川

二十二年 王世子疹候平復○十二月綏嬪朴氏薨葬于徽慶園

慶園

二十三年 特除朱萬禹工曹叅判萬禹關西人文科

回榜其年百歲有是命○革豐德府合蜀開城府

二十四年 命賜定州六義士祠額合享忠烈公鄭著

二十五年 命賜祭于平壤崇靈殿崇仁殿東明王開國之舊甲

二十六年 命文忠公曹漢英追配于高麗忠臣李存

吾孤山書院

紀元後四百丁
三十六年亥
紀元後四百戊
三十七年子
紀元後四百己
三十八年丑
紀元後四百庚
三十九年寅

三十七年 命王世子代理○七月元孫誕降

三十八年 上以冬雷之警避正殿五日

三十九年 命元孫冊王世孫

三十年 五月王世子薨謚曰孝明○命加贈故正郎

金駟孫正卿仍施節惠之典

三十二年 命高麗忠臣張安世施節惠之典

三十三年 命忠文公金祖淳配享 正宗大王廟庭

○昌德宮大造殿熙政堂火○飭諸道登聞經行才

德之士

紀元後四百辛
四十年卯
紀元後四百壬
四十一年辰
紀元後四百癸
四十二年巳

紀元後四百甲
四十三年午

三十四年 十一月 上昇遐葬仁陵在廣州○王世孫即位

○追尊 孝明世子為 翼宗大王嬪趙氏為 王

大妃

翼宗大王 諱吳字德寅 純祖大王世子 憲宗甲午追崇封綏陵在揚州

憲宗大王 諱象字文應 翼宗大王元子 在位十五年壽二十三

元年 清宣宗道光十五年 命召對于便殿時 上在亮陰中而

因 火王大妃教也○命飭諸道吏逋徵族及還穀

小詳定立本之弊從領議政沈象奎之言也○命飭諸道稅納濫

徵之弊○命罷文科易書之法○命守宰之不堪任

者不待殿最啓罷殿最以廉貪剖判為題○命罷外

邑契坊之弊從正言金 ○掌令盧光斗除承旨光斗

上疏陳勉仍進冊子賜優批有是褒

三年 冊金氏為妃即府院君祖根之女 ○命飭各道

私屠之弊

四年 命飭各司郎官卯酉仕之法從右議政李 ○命

都下發賣時穀價翔貴又值塞江貿遷益窘有是命

六年 景慕宮望廟樓火 ○命飭私家虐民之弊 ○

命都下家座申明舊式施行

七年 命飭外邑收逋徵族之弊 ○命贈持平尹志述

贈正卿施以節惠 ○四月 中宮殿行冠禮 ○命

特減諸道舊還穀十萬石

八年 命刊進千歲曆

九年 白氣見於西方 ○八月 王妃金氏昇遐葬景陵在

州 ○命特減清風適米四千四百五十餘石

十年 冊洪氏為妃益豐府院君在龍之友 ○命刊行文獻備考

十一年 命罷關東蔘契

十二年 遷奉 綏陵于揚州

十三年 行慶嬪金氏嘉禮宮號曰順和 ○設摠衛營

十四年 三朝寶鑑成親上 太廟

十五年 六月 上昇遐葬景陵在揚州 ○全溪君第三子奉

紀元後四百丁
日十六年酉

紀元後四百戊
四十七年戌

紀元後四百庚
四十九年子

紀元後四百辛
五十年丑

紀元後四百壬
五十二年卯

紀元後四百癸
五十四年巳

紀元後四百甲
五十六年未

紀元後四百乙
五十八年酉

紀元後四百丙
五十九年戌

紀元後四百丁
六十年未

紀元後四百戊
六十二年酉

紀元後四百己
六十四年亥

大王大妃命即位入承純祖○賜死荏子島安置

罪人趙秉鉉竄徐相教甲觀浩李應植金鍵李能權

哲宗大王諱昇字道休金溪大院君第三子在位十四年壽三十三

元年清宣宗道光三十年

二年冊金氏為妃即哲仁王后永恩府院君汝根之女○命孔子聖

象以江陵奉來完本展奉於水原闕里祠

三年太白晝見○命趙秉鉉罪名爰周徐相教李應

植等量移○命飭外邑都結之獎京各司從時價執

錢之弊○御定文苑黼黻續編成

四年命被謫人家屬隨往著為定式

紀元後四百癸
六十二年丑

五年命故沁畱南履炯子孫中錄用行護軍李是遠

擢拜都摠管履炯在沁畱時著廉介之績是遠有一

鄉之稱善 上自舊勞時嘗所習聞故有是命

六年命洪麟漢復官爵○嚴飭爭下黨私之習

七年遷奉 仁陵于廣州○嚴飭京外雜技

八年命式科時都事差遣處道臣主試○八月 大

王大妃金氏昇遐附葬仁陵○宣仁門火

九年十月元子誕生

十年四月元子卒○命刊行五倫行實

十一年命竄慶平君昱還收慶平爵號以本名世輔

紀元後四百甲
六十三年寅

紀元後四百乙
六十四年卯

紀元後四百丙
六十五年辰

紀元後四百丁
六十六年巳

紀元後四百戊
六十七年午

紀元後四百己
六十八年未

紀元後四百庚
六十九年申

純元後四百辛
七十年酉

施行

十二年

賜第新榜生員金在琫付之庭試文科放榜

在琫年滿九十事甚稀貴有是命○嚴飭都賈之弊

十三年

命苞苴之弊交相勗勵○命罷場市浦口無

名之稅嚴飭堤堰田畝勒奪之弊○會文蔭生進切

學親試三政採弊策○命禁飭武斷之弊自廟堂行

關八道四都揭付坊曲○命致祭文忠公閔鎮遠光

城府院君金萬基之墓○前右尹吳甲良特投資憲

階甲良年九十故有是命

純元後四百癸
七十二年亥

十四年

十二月

上昇遐

葬睿陵
在高陽

○興宣君第二子

奉

大王大妃命即位

入承
大王大純

翼宗

○命宥還鳥配

罪人李世輔○命東學罪人崔福述等押送本道查

究登聞福述在慶州聚會徒黨以為天主顧我情永

世不忌萬事宜十三字呪誦執筆降神舞劍騰空各

之曰東學惑世誣民故有是命

大君主陛下

諱翼字聖臨初諱載晃字
明夫興宣大院君第二子

元年

清穆宗同
治三年

命飭量田○命故承旨金在敬表厥

宅里在敬事繼母忠養人無間言居母喪時年六十

不脫衰經哀毀動人故有是命

二年

命重建景福宮○御定兩銓便攷成○命金尚

純元後四百甲
七十三年子

純元後四百乙
七十四年丑

會復官爵

紀元後四百丙
七十五年 寅

三年

冊閔氏為妃驪城府院君 ○英國人率兵艦來

泊江華請交好通商遣譯官斥之以李景夏為巡撫

使李元熙為中軍出陣禦之 ○嚴禁邪學頒斥邪論

音于中外 ○命竄江華留守李寅夔通津府使李公

濂稷城失守也 ○命鑄當百大錢

紀元後四百丁
七十六年 卯

四年

俄羅斯國人投書慶典府命道臣詳查措處 ○

纂輯六典條例頒賜朝臣 ○命通行小錢 ○移御景

福宮

紀元後四百戊
七十七年 辰

五年

上以是年 大王大妃殿寶齡周甲進爵餘

慶賜文蔭武年六十一歲人加資 ○親行太宗會設

宗親文武庭試 ○命放罪人李寅夔李公濂 ○命進

覽聖學十圖屏 宣廟戊辰先正臣李滉所進者也

因領相金炳學所奏有是命

紀元後四百己
七十八年 巳

六年

上以是年 翼宗大王聖壽回甲追上徽號

賜文蔭武逮事年六十一歲人加資 ○命賜祭故忠

臣吳斗寅李世華朴泰輔祠板

紀元後四百庚
七十九年 午

七年

生進幼學文學才諳者命大臣各薦幾人 ○命

校正五禮便攷

紀元後四百辛
八十年 未

八年

親耕籍田會耆民行勞酒禮 ○寧海府土民作

亂府使李墩歿之褒贈正卿○洋船來侵德津鎮撫中軍魚在淵歿之褒贈兵判○四月元子誕生○元子卒○大妃殿患候平復

九年 幸行 齊陵 厚陵及麗顯陵

十年 承旨崔益鉉除叅判益鉉陳時弊疏賜優批有

是命○命孝純玄逸來善施以追奪之典從崔益鉉之疏也

○慈慶殿火○命撤罷青石關收稅○命停行當百

大錢○尊大院君為大老從大學生李世愚疏也

十一年 命停行小錢○二月元子誕生○命革罷五

部字內田土新定收稅○軍物章服外紗緞珠貝一

紀元後四百壬
八十二年酉

紀元後四百甲
八十三年戊

切嚴禁○元子宮水痘平復○初設武衛所

十二年 冊元子為王世子○王世子定名

十三年 與日本復講舊好○增建 宗廟望廟樓○

以金綺秀為日本修信使前往辦事○命都下窮部

貧寒令賑聽發賣四道賑資均俵舉行○親行祈雨

祭于社稷壇甘露周洽○親行報謝祭于社稷壇

十四年 命土豪武斷另加摘發○設耆老科

十五年 五月 大妃金氏昇遐附葬○命飭各營宇

內植松○王世子患候平復告布陳賀○命罷漕倉

都差名色

紀元後四百乙
八十四年亥
紀元後四百丙
八十五年子

紀元後四百丁
八十六年丑
紀元後四百戊
八十七年寅

嘉慶後四百已
八十八年卯

十六年

命文元公宋明欽施以不祧之典○日本外

務大丞花房義質來留館所○許施日本公使開港

釜山浦○設砲臺于仁川富平地○飭朝臣跟隨濫

率之弊○王世子痘候平復告布陳賀大需國中

十七年

嚴飭京外戢盜○命罷慶科增廣監試初試

一二所原榜目竄試官洪澈周金昌熙等考試淆雜故也

十八年

賜祭故相臣李天輔李瑯閔百祥祠版○中

宮殿疹候平復告布陳賀頒赦八方○以金允植為

領選使

十九年

王世子入學○王世子冠禮○冊閔氏為世

嘉慶後四百庚
八十九年辰

嘉慶後四百辛
九十年巳

嘉慶後四百壬
九十一年午

子嬪

左贊成台
鎬之女

○王世子行

廟謁禮○以趙寧夏

金弘集為全權使臣與德國使商辦事宜○命新造

交隣國書寶○訓局軍卒作亂入宮閔謙鎬金輔鉉

被害○革罷武衛所各營一體復舊例○中宮殿潛

御于司禦尹泰駿第翊贊閔應植進士閔肯植陪從

○中宮殿移御于吏判閔泳締驪州鄉第○命永停

關東進上辛甘菜海紅菜○中宮殿仍御于翊贊閔

應植忠州章院鄉第○布告綸音于軍民○拿獲亂

軍十名置之重辟○中宮殿還御告布陳賀○命革

罷訓練都監○以德國人穆麟德為外務協辦○設

紀後四百六
九十二年未

減省廳以魚允中勾管○設統理交涉通商衙門○
設軍國機務衙門○開港元山浦○與美國交好通商
二十年 命鑄當五錢○以金玉均為捕鯨使○開港
濟物浦○設機器局○命都賈及無名雜稅一切禁
斷○設典園局○設博文局○建北關王廟○以魚
允中為西北經略使○命文烈公趙憲文敬公金集
從祀文廟○以清國人王錫鬯為軍國衙門叅議馬
建常為贊議

二十一年 命取礦產以補需用○設郵征總局○命
午正人定罷漏時放砲于禁川橋○命冠服專用黑

紀後四百甲
九十三年中

團領制度一遵國初制樣私服則只着窄袖衣戰服
絲帶以趨簡便著為定式○設海防營于富平府○
命農桑造織瓷鞞牧畜紙茶設局置官○命五金開
礦設局置官○命軍器寺合設於機器局○十月十
七日夜金玉均洪英植朴泳孝徐光範徐載弼等矯
召日兵 上移御于景祐宮贊成閔台鎬知事趙寧
夏海防總管閔泳穆左營使李祖淵右營使尹泰駿
前營使韓圭稷中官柳載賢遇害○是日各 殿宮
離次○十九日日兵退○上離次于北廟還次于宣
仁門外清統領吳兆有營房各 殿宮離次于蘆原

紀元後四百〇
九十五年丙

地○命縉紳士庶燕服從便○命自十七日人定至十九日申時傳教還收政事與啓辭草記等文蹟並勿施○二十三日 上還御翌日各 殿官還御○設濟衆院○命外務督辦趙秉鎬大官差下監理仁川港通商事務洪淳學副官差下使之起往仁川商辦事宜○命革罷統理軍國衙門合付議政府○命禮叅徐相雨特差全權大臣外務協辦穆麟德特差副大臣使之前往日本使辦理事宜○命海防總管李奎遠東南開拓使差下○與英國德國交好通商

二十二年

命內務府外衙門典園局機器局濟衆院

堂郎各薦北學學徒一人年自二十五至十五以上擇入○命飭朝臣在外○命罷官房京司新朔雜稅○命五部字內五家作統○設惠商公局○與俄國交好通商

紀元後四百〇
九十五年丙

二十三年

以美國人德尼為內務協辦兼管外務掌

交司○開港會亭府○命家塾黨庠之制置規式自內務府磨鍊行會於八道四都○以洪鍾永為總務官各道貢賦使之轉運輸船○命設育英左右公院另揀年少文武及士類之聰雋才藝者肄習與漢學月考同一規制○命美醫安連蕙論特授二品階○與

義國交好通商○設礦務局

紀元後四百丁
九十六年 亥

二十四年

行世子嬪冠禮○設電報局○命新羅味

鄒王建殿置官宣額禮亭○命繼選學員以廣語學

○命墨賢理特加戶曹參判啣何文德戶曹參議啣

史納機帛黎格類并加通政階○設鍊武公院命武

臣子弟薦剡人課日講習○命英國人奚來白士特

授通政階○命內務協辦朴定陽特派全權大臣使

之前往美國妥辦使事○上以是年 憲宗朝聖壽

回甲親行酌獻禮于 真殿賜文武遺事年六十一

歲人加資○與法國交好通商

紀元後四百戊
九十七年 子

二十五年

命箕子墓封陵置官○上以是年 大王

大妃殿寶齡望九親上徽號飾慶賜文蔭武年八十

一歲人加資○設耆老科○以安邊府使李重夏為

上們勘界使妥辦事宜○命陞春川府為留守兼鎮

禦使制置等節依四都例為之

二十六年

命文正公李東施不祧之典○命修葺西

闕務從儉約○命育英學員親臨應製試取

二十七年

四月 大王大妃趙氏昇遐附葬綏陵○命飭

役處結所濫討之弊○慶成殿火○命罷聖堂漕倉

付之轉運局○以美國人具禮為內務協辦○以金

紀元後四百庚
九十九年 寅

紀元後五辛
百年 卯

昌錫為湖南均田官使之便宜量田○追尊 英宗
大王為英祖崇奉世室○命義國人李善得特加二
品銜仍差內務協辦

二十八年 設經理廳○上以是年 哲宗朝聖壽回

甲賜文蔭武逮事年六十一歲人加資○中官殿患
候平復告布陳賀○命高勾麗東明王墓封陵置官
依箕子陵例定式○命銀銅貨幣以便葉當無礙通
用○泰元殿外行閣火

紀元後五壬
百年 辰

二十九年 命賜祭文忠公李恒福文靖公尹斗壽忠
翼公鄭崑壽文忠公柳成龍忠莊公權慄祠版依廟

故事也 ○六月親行 太廟望祭○設虎賁衛○與奧

國交好通商

三十年 召縉紳士庶等親行養老宴○乾清宮行閣

火○設摠制營于江華○兩湖匪類聚黨作鬧以魚

允中為宣撫使曉諭解散○頒斥邪綸音于兩湖○

十月幸慶運宮展拜即祚堂告布陳賀宣祖大王回

也 ○召大貞洞耆民等親臨頒米○命泮長設行月

課

紀元後五癸
百年 巳

朝鮮歷代史略卷之三

三

朝鮮歷代史略卷之三 終

